

কিয়ামতের আলামত

আলা-মাতুন শব্দটি আরবী। এর আভিধানিক অর্থ নিদর্শন বা চিহ্ন। কিয়ামত সংঘটিত হওয়ার পূর্বে কিছু নিদর্শন প্রকাশ পাবে-এ নিদর্শনকেই কিয়ামতের আলামত বলা হয়। তবে কিয়ামাত কখন সংঘটিত হবে তা একমাত্র আল্লাহ তা'আলাই ভালো জানেন।

আল্লাহ তা'আলা বলেনঃ

(يَسْئَلُكَ النَّاسُ عَنِ السَّاعَةِ قُلْ إِنَّمَا عِلْمُهَا عِنْدَ اللَّهِ)

“লোকেরা আপনাকে কিয়ামত সম্পর্কে জিজ্ঞেস করবে। আপনি তাঁদের কে বলে দিন কিয়ামাতের জ্ঞান তো একমাত্র আল্লাহ তা'আলার কাছে।” (সূরা আল আহযাব-৬৩)

কিয়ামাতের ছোট আলামতসমূহের কয়েকটিঃ

❖ আমাদের প্রিয়নাবী মুহাম্মাদ সাঃ-এর নবুওয়াতপ্রাপ্তি।

দলীল রাসূলুল্লাহ সাঃ বলেনঃ بُعِثْتُ أَنَا وَالسَّاعَةُ كَهَاتَيْنِ

আমাকে এবং কিয়ামাতকে এত নিকটবর্তী সময়ে পাঠানো হয়েছে যে, যেমন একটি আঙ্গুল আরেকটি আঙ্গুলের একবারেই পাশাপাশি। (সহীহুল বুখারী-৬৫০৪)

❖ আমাদের প্রিয় নাবী মুহাম্মাদ সাঃ-এর মৃত্যুবরণ। (সহীহুল বুখারী)

❖ ধন-সম্পদের আধিক্যতা। (সহীহুল বুখারী ও সহীহুল মুসলিম)

কিয়ামাতের বড় বড় আলামতসমূহঃ

আবু হুরাইরাহ (রাঃ) হতে বর্ণিত। তিনি বলেন, একদা আমরা কিয়ামত সম্পর্কে পরস্পর আলোচনা করছিলাম। এমন সময় রাসূলুল্লাহ সাঃ আমাদের মাঝে উপস্থিত হয়ে বললেনঃ তোমরা কি আলোচনা করছিলে? আমরা বললামঃ কিয়ামাত সম্পর্কে আলোচনা করছিলাম। তখন রাসূলুল্লাহ সাঃ বললেনঃ কিয়ামাত সংঘটিত হবে না যতক্ষণ পর্যন্ত দশটি বড় আলামত না দেখবে। অতঃপর সাঃ উল্লেখ করলেন কিয়ামতের বড় দশটি আলামতঃ

১। ব্যাপক আকারে ধোয়া প্রকাশ পাওয়া।

২। দাজ্জালের আবির্ভাব।

৩। পশ্চিম দিকে সূর্য উদয়।

৪। একটি বিশেষ পশুর আবির্ভাব।

৫। ইসা আলাইহিস সালাম-এর আবির্ভাব।

৬। পূর্বদিকে ভূমি ধস।

৭। পশ্চিম দিকে ভূমি ধস।

৮। আরব উপদ্বীপে ভূমি ধস।

৯। ইয়াজুজ-মাজুজ-এর আবির্ভাব।

১০। ইয়ামেনের আগুন যা সকল মানুষকে হাশরের ময়দানের দিকে তাড়িয়ে নিবে। (সহীহ মুসলিম)